

Յ.Յ Արմավիրի մարզի Հայկական գյուղական համայնքի
ղեկավար՝ Ս. Գևորգյանի 2013թվականի 1-ին կիսամյակի կատարած աշխատանքների
ՀԱՇՎԵՏՎՈՒԹՅՈՒՆ

Մասնակցությամբ Յ.Յ Արմավիրի մարզպետարանի առողջապահության և սոցիալական
ապահովության վարչության պետ տիկին Մ. Գրիգորյանի, համայնքի ավագանու անդամների
և 42 համայնքի բնակիչների.

15.07.2013թ

Հայաստանի Հանրապետության Արմավիրի մարզի Հայկական գյուղական համայնքի
ղեկավարը ղեկավարվելով Հայաստանի Հանրապետության Սահմանադրությամբ, նրանից
բխող օրենսդրական և ենթօրենսդրական ակտերով, «Տեղական Ինքնակառավարման
մասին», «Իրավական ակտերի մասին» Հայաստանի Հանրապետության օրենքներով,
համայնքի ղեկավարի աշխատակազմի, ավագանու և գյուղապետարանի ենթակայության տակ
գտնվող հիմնարկների աշխատակիցների միջոցով իրականացրել է իրեն վերապահված
իրավասությունների շրջանակներում իր լիազորությունները:

2013թ. գյուղապետարանի աշխատանքային ծրագրի հիմքում դրված են եղել համայնքի
սոցիալտնտեսական զարգացման գերակա ուղղությունները:

Հիմնական նպատակը համայնքի ազգաբնակչության կենսամակարդակի բարցրացումն է,
որին հասնելու համար սահմանվել են կարևորագույն խնդիրներ, որոնք էլ անհրաժեշտություն
է եղել լուծելու 2013թվականի 1-ին կիսամյակի ընթացքում: Այդ խնդիրների լուծման համար
կարևորագույն պայման է հանդիսացել Արմավիրի մարզպետի, մարզպետարանի
աշխատակազմի և համայնքի ավագանու ամենօրյա հոգատար վերաբերմունքը, որի
արդյունքում արձանագրվել է որոշակի հաջողություններ, որոնք ըստ բնագավառների
ներկայացնում են Ձեզ.

ԳՅՈՒՂԱՏՆՏԵՍՈՒԹՅԱՆ և ԲՆԱՊԱՀՊԱՆՈՒԹՅԱՆ
ԲՆԱԳԱՎԱՌ

Համայնքի ղեկավարը աջակցում է համայնքի բնակչության գյուղատնտեսական
աշխատանքների իրականացմանը, ինչպես նաև գյուղ մթերքների իրացմանը:

Հետևողական աշխատանք է տարվել ոռոգման ջրի մատակարարման ինչպես նաև
կազմակերպվել է աշնանացան հացահատիկի բերքահավաքը:

2013թվականի ընթացքում մի քանի դաշտամիջյան ճանապարհներ և կամուրջներ
վերանորոգվել են:

Համայնքն ունի իր առանձնահատկությունները:

Հիմնականում զբաղվում են հողագործությամբ, այգեգործությամբ և պտղաբուծությամբ:

Համայնքում առկա են նաև չմշակված հողատարածքներ, որի հիմնական պատճառներն են.

1. Հողասեփականատերերը բացակայում են համայնքից
2. Գյուղտեխնիկայի ոչ բավարար լինելը

3. Թունաքիմիկատների բարցր սակագները և անորակությունը:

Ուշադրության կենտրոնում է պահվում աճեցրած բերքի իրացման աշխատանքները:

Մարզպետարանից համայնքին հատկացվել է մատչելի գներով պարարտանյութ և դիզ-վարելանյութ:

Համայնքի ղեկավարի կողմից անմիջական հսկողություն է իրականացվում անասնաբուժական ծառայության գործում՝ պատշաճ կերպով կատարվում է բոլոր հակահամաճարակային միջոցառումները, որի շնորհիվ չի հայտնաբերվել ոչ մի տեսակի հիվանդություն:

Այս տարվա մայիսի 12-ին տեղացած կարկուտի հետևանքով 100% կարկտահարվեց ողջ համայնքի տարածքը, որնել դժվարացրեց համայնքի ղեկավարի ծրագրերի իրականացումը անմիջապես կազմվեցին հանձնաժողովներ վնասված տարածքների չափը ճշտելու:

Արմավիրի մարզպետ Ա. Ղահրամանյանը Կառավարությանը ներկայացրեց կարկտահարությունից տուժած համայնքների կրած վնասների չափը, այդ թվում նաև Հայկական համայնքի:

Կառավարությունը փողհատուցեց կարկտահարությունից տուժված համայնքների հողի հարկը, հողի վարձակալության և ջրի վարձավճարներ :

Կառավարությունը 2,5 միլիոն դրամ հատկացրեց խորքային հորերի էլ. էներգիայի վարցավճարը:

Այդ դժվարին պահին համայնքներ այցելեցին Վարչապետ՝ Տիգրան Սարգսյանը, Գյուղ նախարար՝ Սերգո Կարապետյանը և Կառավարական այլ բարցաստիճան արյեր Մարզպետ՝ Աշոտ Ղահրամանյանի ուղեկցությամբ: Նեցուկ կանգնելով գյուղացուն:

Արմավիրի Գ.Ա.Մ.Կ-ը հատկացրեց մի շարք խորհրդատվական թերթիկներ և "ԷԿՈԳԵԼ" խթանիչներ, խաղողի այգիների արագ զարգացման համար, որը մեծ ներգործում ունեցավ խաղողի վազերի աճման գործում:

Գյուղ նախարարությունը օգնեց դիզ վարելանյութով և համապատասխան սերմերով:

Առավել կարիգավոր 40 ընտանիքներին տրամադրվեց միանվագ օգնություն 50.0 հազար դրամ:

Կարմիր խաչ կազմակերպությունը համայնքի 86 ընտանիքներին հատկացրեց սննդի և հիգիենայի պարագաների ծանրոցներ:

Մարզպետարանը օգնեց առավել անապահով ընտանիքների երեխաներին տրամադրել ճամբարի ուղեգրեր:

Նման քայլ կատարեց "Տիրամայր Հայաստանի կուսաստան" կազմակերպությունը:

Առևտրի և հասարակական սննդի, կենցաղային ծառայությունների ոլորտը վերահսկող հանձնաժողովը ժամանակին կատարում է իրեն վերապահված ստուգումները:

Համայնքում գործում է 3 առևտրի օբյեկտ 1 գազալցակայան և 1 ավտո լվացման կետ:

ՀՈՂԱՇԻՆՈՒԹՅԱՆ և ՀՈՂՕԳՏԱԳՈՐԾՄԱՆ

ԲՆԱԳԱՎԱՌ

Համայնքի ղեկավարի ամենօրյա ուշադրության կենտրոնում է գտնվում և օրնքով սահմանված կարգով վերահսկողություն է իրականացվում հողերի նպատակային օգտագործման վրա: համայնքի բնակիչների հետ ամենօրյա աշխատանքներ է տարվում գույքահարկի հավաքագրման ուղղությամբ:

ՔԱՂԱՔԱՇԻՆՈՒԹՅԱՆ ԵՎ ԿՈՄՈՒՆԱԼ ՏՆՏԵՍՈՒԹՅԱՆ

ԲՆԱԳԱՎԱՌ

Կառավարության սահմանած կարգով վերահսկողություն է իրականացվում համայնքի քաղաքաշինական բնագավառում:

Քաղաքացիների դիմումների հիման վրա կատարվել են հողամասերի չափագրման աշխատանքներ:

Մշտապես կատարվում է խմելու ջրի ջրագծերի վթարների հայտնաբերման և վերացման աշխատանքներ: Ամիսը մեկ անգամ կատարվում է խմելու ջրի վարակագերծման աշխատանքներ:

Շարաթը մեկ անգամ համայնքի տարածքում կատարվում է աղբահանության աշխատանքներ:

ՄՇԱԿՈՒՅԹԻ և ԵՐԻՏԱՍԱՐԴՈՒԹՅԱՆ, ԿՐԹՈՒԹՅԱՆ,
ԱՌՈՂՋԱՊԱՀՈՒԹՅԱՆ, ՄՊՈՐՏԻ և ՍՈՑԻԱԼԱԿԱՆ ԾԱՌԱՅՈՒԹՅԱՆ

ԲՆԱԳԱՎԱՌ

Համայնքում գործում է 1 դպրոց:

Աշակերտների թիվը 137

Ուսուցիչների թիվը 21

Գյուղապետարանի ուշադրության կենտրոնում է գտնվում համայնքի դպրոցը:

Դպրոցի բազմաթիվ շրջանավարտներ սովորում են Հանրապետության բարձրագույն և միջին մասնագիտական ուսումնական հաստատություններում:

Ուսումնական տարվա ավարտին համայնքի ղեկավարի անմիջական մասնակցությամբ դպրոցում տեղի ունեցավ միջոցառում:

Ապրիլի 24-ին Եղեռնի նահատակների հիշատակին տեղի ունեցավ միջոցառում և պսակներ դրվեցին նահատակների հուշաքարին:

Համայնքում մայիսի 9-ին մեծ շուքով նշվեց Հայրենական մեծ պատերազմի և Շուշիի ազատագրման հաղթանակի օրը:

Համայնքի ղեկավարի ուշադրության կենտրոնում է գտնվում ֆիզիկական կուլտուրայի և սպորտի զարգացման խնդիրները, որի համար կազմակերպվում է տարբեր սպորտային միջոցառումներ:

Եղեռնի զոհերի հիշատակին կազմակերպվեց մարզային ֆուտբոլի սպարտակիադա «Արցախը և ֆուտբոլը» խորհագրով:

Արավել լավագույն 13 մարզիկներին գյուղապետարանի կողմից հատկացվել է սպորտային համազգեստներ:

Գյուղապետարանի շենքում գործում է բուժ ամբուլատորիա, որից օգտվում են համայնքի բնակիչները:

Համայնքում գործող «Խնամակալության և հոգաբարձության» հանձնաժողովի և համայնքի ղեկավարի աշխատանքների շնորհիվ չկան թափառող և անօթևան երեխաներ:

Համայնքում հաշվառված են 190 կենսաթոշակառուներ:

Հայրենական մեծ պատերազմի մասնակիցներ՝ 1 մարդ:

Նպաստառու ընտանիքներ՝ 42 ընտանիք:

Համայնքում զարման գորակոչը անցել է բարձր մակարդակով և չկան գորակոչից խուսափող երիտասարդներ:

Համայնքի տնտեսությունների թիվը 557

Բնակչության թիվը 1627

2013թվականի 1-ին կիսամյակի ընթացքում գյուղապետարանում ստացվել է տարբեր բնույթի 65 պաշտոնական գրություններ, որոնք օրինական կարգով մուտքագրվել են:

Գյուղապետարանի կողմից մարզպետարան և տարբեր կազմակերպություններ են ներկայացվել 57 պաշտոնական գրություններ:

Հաշվետու ժամանակահատվածում համայնքի ավագանին գումարել է 3նիստ, որտեղ քննարկվել է տարբեր բնույթի հարցեր:

ՀԱՍՏՅՆՔԻ ՀԻՄՆԱԽՆԴԻՐՆԵՐԸ


Այս ամենով հանդերձ համայնքն ունի դեռ չլուծված շատ հիմնախնդիրներ

1. Մշակույթի տան վերանորոգում:
2. Մանկապարտեզի շենքի վերանորոգում:
3. Խմելու ջրի ներտնտեսային ցանցի վերանորոգում:
4. Գյուղապետարանի շենքի վերանորոգում:
5. Ճանապարհների վերանորոգում:

Արձագրի մարզի Հայկական համայնքի 2013թվականի 1-ին կիսայակի
բյուջեի եկամուտների հաշվետվություն

Եկամուտի անվանումը		Պլան	Կատարողական	Պլանի կատարման %
1	Հողի հարկ	8105,8	3691,8	45,5
2	Գույքահարկ շենք շինություններ	260,4	2,2	0,8
3	Գույքահարկ փոխադրամիջոց	2470,7	1055,8	42,7
4	Դոտացիա	11096,2	5548,1	50
5	Տուրքեր	248,0	13,0	27,1
6	Հողի վարձավճար	36,9	18,5	50,1
7	Տարեսկզբի ազատ մնացորդ ֆոնդային բյուջե	1,1	1,1	---
8	Օրենքով սահմանված մատուցվող ծառ. ստացվող այլ վճարներ	---	1270,0	---
9	վարչ.բյուջեից մուտքերի կատարումն դատարանի որոշմամբ		-592,4	
	Ընդամենը	22219,1	11008,1	49,5

Համայնքի ղեկավար՝  Ա. Գևորգյան


Առաջատար մասնագետ՝  Վ. Վարդանյան



Արմավիրի մարզի Հայկական համայնքի 2013 թվականի 1-ին կիսամյակի
բյուջեի ծախսերի կատարման հաշվետվություն

Ծախսերի անվանումը		Պլան	Կատարողական	Պլանի կատարման %
1	Տեղական ինքնակառավարում	13118,0	3896,0	29,7
2	Մշակույթ սպորտ և կրոն	2061,2	577,8	28,0
3	Սոց, արտոնություններ	800,0		
4	Համայնքային ծառա.	913,2		
5	Աղբահանում	1055,6	138,9	4,3
6	կապիտալ նորոգումների ծախսեր	371,1	370,0	99,7
7	Բնակարանային տնտեսություն	3900,0	890,0	22,8
	Ընդամենը	22219,1	5872,7	26,4

Համայնքի ղեկավար՝  Մ. Գևորգյան

Առաջատար մասնագետ՝  Վարդանյան

